

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-49-3114/19
Sarajevo, 13.03.2019. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 14. Pravilnika o nabavci roba, vršenju usluga i ustupanju radova, br. 09-05-26236/15 od 27.11.2015. godine, u predmetu javne nabavke – Nabavka usluga registracije i tehnički pregled motornih vozila, objavljenom na Portalu javnih nabavki, broj obavještenja 422-7-2-45-3-21/19 od 13.02.2019. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda «CENTROTRANS-EUROLINES» d.d. Sarajevo, u predmetu javne nabavke - Nabavka usluga registracije i tehnički pregled motornih vozila, u konkurentskom postupku objavljenom na Portalu javnih nabavki broj obavještenja 422-7-2-45-3-21/19 od 13.02.2019. godine, sa cijenom ponude u ukupnom iznosu od 7.513,41 KM sa PDV- om.

2. Zadužuje se Služba za zajedničke poslove da obavijesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.

3. Obavezuje se ponuđač iz člana 1. ove Odluke da u roku od 5 (pet) dana od zaprimanja iste, dostavi dokumente navedene u tački 2.1.3. tenderske dokumentacije, koji se odnose na član 45. stav 2. tačka od a) do d) Zakona. Dokazi koji se zahtijevaju moraju biti original ili ovjerene kopije, i ne mogu biti stariji od 3 mjeseca računajući od momenta predaje ponude.

4. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

O b r a z l o ž e n j e

Postupak javne nabavke – Nabavka usluga registracije i tehnički pregled motornih vozila, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka objavljenog na Portalu javnih nabavki, broj obavještenja 422-7-2-45-3-21/19 od 13.02.2019. godine.

Zapisnikom sa otvaranja ponuda od 25.02.2019.godine konstatovano je da su pristigle dvije blagovremene ponude i to ponude ponuđača:

1. «CENTROTRANS-EUROLINES» d.d. Sarajevo sa ponuđenom cijenom u iznosu od 7.513,41KM sa PDV-om
2. «ASA ASISTANCE» d.o.o. Sarajevo sa ponuđenom cijenom u iznosu od 7.665,10 KM sa PDV-om

U postupku analize ponuda, Komisija je detaljnom analizom dokumentacije kojom su ponuđači dokazali svoje kvalifikacije za učešće u ovom postupku utvrdila da ponuda ponuđača «CENTROTRANS-EUROLINES» d.d. Sarajevo ispunjava uslove specificirane tenderskom dokumentacijom, dok ponuda ponuđača «ASA ASISTANCE» d.o.o. Sarajevo ne ispunjava navedene uslove. Komisija je izvršila računsku kontrolu ponude «CENTROTRANS-EUROLINES» d.d. Sarajevo, te konstatovala da je ista računski ispravna. Komisija je konstatovala da je ponuđač dostavio dokumente tražene tačkom 2.1.3. tenderske dokumentacije, te se oslobađa naknadnog dostavljanja istih.

Ponuda ponuđača «ASA ASISTANCE» d.o.o. Sarajevo ne ispunjava kvalifikacione uslove iz tenderske dokumentacije i to:

- iz tačke 3.2.1.5. kojom je specificirano da ponuđač treba da dostavi dokaz o registraciji u odgovarajućem profesionalnom ili drugom registru zemlje u kojoj su registrovani ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke (original ili ovjerena kopija). Uvidom u dostavljenu ponudu konstatovano je da dokaz iz navedene tačke nije dostavljen.

- iz tačke 3.2.1.6. – ponuda treba sadržavati listu izvršenih ugovora ponuđača koji su realizovani u posljednje tri godine sa vrijednostima, datumima i primaocima usluge kao dokaz da je dobavljač uspješno izvršio ugovore koji za predmet imaju ovakav ili sličan predmet nabavke, zbirne vrijednosti najmanje 15.000 KM sa PDV-om. Uvidom u dostavljenu ponudu konstatovano je da ista nije dostavljena. Nadalje, uz spisak izvršenih ugovora ponuđač je dužan dostaviti potvrde za ugovore koji za predmet imaju ovakav ili sličan predmet nabavke,

zbirne vrijednosti najmanje 15.000 KM sa PDV-om, koju je izdala ugovorna strana. Na potvrdi koju je ponuđač dostavio, a koja treba da sadrži naziv i sjedište ugovornih strana, predmet ugovora, vrijeme ugovora kao i navode o uredno izvršenim ugovorima, nedostaje potpis ugovorne strane ili privrednog subjekta koji je istu izdao.

Shodno navedenom, a u skladu sa članom 68. Zakona o javnim nabavkama BiH, ponuda ponuđača „ASA ASSISTANCE“ d.o.o. Sarajevo je odbačena kao neprihvatljiva.

Obzirom da se radi o konkurentskom postupku, objavljenom na Portalu javnih nabavki broj obavještenja 422-7-2-45-3-21/19 od 13.02.2019. godine, da su upućena tri pozivna pisma, da je pristigla jedna ponuda koja ispunjavaju kvalifikacione uslove iz tenderske dokumentacije, te primijenom kriterija «najniža cijena tehnički prihvatljive ponude», a shodno članu 64. stav 1. tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić